

精校
張氏醫通

上海錦章書局
出版

亥 22
4-5<1



北京中医药大学图书馆版权所有

本經逢原小引

醫之有本經也猶匠氏之有繩墨也有繩墨而後有規矩有規矩而後能變通變通生乎智巧又必本諸繩墨也原夫炎帝本經繩墨之創始也大觀證類規矩之成則也瀕湖綱目成則中之集大成未能達乎變通也譬諸大匠能與人規矩不能與人智巧能以智巧與人達乎變通之道者黃帝靈素之文也能以炎黃之道隨機應用不為繩墨所拘者漢長沙一人而已長沙以天縱之能一脈相承炎黃之道信手皆繩墨也未聞炎黃而外別有繩墨也當思醫林學術非不代有名人士求其端本澄源宗乎本經主治者玉函金匱而外未之聞也長沙已往唐逸士千金方獨得其髓其立方之峻有過於長沙者後世末由宗之以故集本草者咸以上古逆順反激之用概置不錄專事坦夷以適時宜其間鎖鑰固無足論即瀕湖之博洽古今者尚爾舍本逐末僅以本經主治冠列諸首以為存乎之意惟仲淳繆子開鑿經義迥出諸方而於委宛難明處則旁引別錄等說疏作經言朱紫之混能無戾乎昔三餘齋子有本經註疏一冊三十五年前於念莪先生齋頭曾一寓目惜乎未經刊布不可復覩因不自揣聊陳鄙見略疏本經之大義并係諸家治法庶使學人左右逢原不逾炎黃繩墨足以為上工也上工十全六不能盡起向背而生之吾願天下醫師慎勿妄恃已長以希苟得之利天下蒼生確遵有病不治常得中醫之戒跳出時師圈續何繩墨可限哉

康熙乙亥春王石頑張璐書於雋永堂時年七十有九

本經逢原目錄

卷一

水部

諸水

大部

諸火

土部

諸土

金部

金

鉛

鐵落

石部

玉

銀硃

雌黃

無名異

慈石

綠青

礞石

蛇黃附蛇含石

赤銅

鉛粉

鐵砂

雲母

水銀

石膏粗理黃石

石鍾乳附孔公摩

代赭石

扁青

花蕊石

霹靂礎

銅青

鉛丹

鐵精

白石英

輕粉

滑石

石灰

禹餘糧

石膽

河沙

自然銅

蜜陀僧

鐵繡

紫石英

靈砂

石脂

浮石

空青

礞石

石燕

古文錢

錫

丹砂

雄黃

爐甘石

陽起石

曾青

砒石

石蟹



鹵石部

食鹽

戎鹽即青鹽

鹵礆

凝水石

玄精石

朴硝

玄明粉

風化硝

硝石

硝砂

蓬砂

石硫黃

礬石

綠礬

山草部

甘草

黃耆

人參

沙參

桔梗

黃精

葳蕤

知母

肉苁蓉

天麻

白朮

蒼朮

狗脊

貫衆

巴戟天

遠志

淫羊霍

仙茅

玄參

地榆

丹參

紫參

紫草

白頭翁

白及

三七

黃連

胡黃連

黃芩

秦艽

柴胡

銀柴胡

前胡

防風

獨活

羌活

升麻

苦參

白鮮皮

延胡索

貝母

山慈姑

白茅根

草龍膽

細辛

杜衡

白微

白前

卷二

芳草部

當歸

芍藥

撫芎

蛇牀

蒿本

白芷

白芍藥

赤芍藥

牡丹皮

木香

甘松香

山柰

高良薑

草豆蔻

草果

白豆蔻

縮砂蜜

益智子

藜蘆

藟葉



肉豆蔻

補骨脂

薑黃

鬱金

蓬莪朮

荊三稜

香附

茉莉

排草

藿香

薰香

蘭香

澤蘭

馬蘭

香薷

爵牀

荊芥

紫蘇

蘇子

水蘇

薄荷

隰草部

菊

艾

茵陳蒿

青蒿

茺蔚

微衡

夏枯草

劉寄奴

旋覆花

青箱子

紅藍花

臘脂

大薊小薊

續斷

漏蘆

芋根黃麻

胡蘆巴

惡實

蒼耳

天名精

鶴虱

稀莖

箬

蘆根

甘蕉

襲荷

麻黃

木賊

石龍芻

燈心

生地黃

乾地黃

熟地黃

牛膝

紫苑

麥門冬

萱草

淡竹葉

冬葵子

蜀葵花

秋葵子

龍葵

酸漿

敗醬草

款冬花

鼠麴草

決明子

地膚子

瞿麥

王不留行

葶藶

車前子

馬鞭草

光明草

鱧腸草

連翹

陸英

藍實小精

青黛

蓼子

扁蓄

白蔹藜

沙苑蔹藜

穀精草

海金沙

地椒

半邊蓮

地丁

見腫消

毒草部



南京中醫藥大學圖書館藏

大黃

商陸

狼毒

狼牙

防葵

蘭茹

大戟

澤漆

甘遂

續隨子

莨菪子

苳麻子

常山

蜀漆

藜蘆

附子

川烏

天雄

側子

草烏

射罔

白附子

天南星

半夏

蚤休

鬼臼

射干

玉簪根

鳳仙子

曼陀羅花

羊躑躅

芫花

莨花

莽草

茵芋

釣吻

蔓草部

兔絲子

五味子

覆盆子

使君子

木鼈子

馬兜鈴

青木香

預知子

牽牛

紫葳

施花

薔薇營實

月季花

枯蔓實

桔萋根

土瓜根

葛根

天門冬

百部

何首烏

草薺

土茯苓

白敏

山豆根

黃藥子

白藥子

威靈仙

茜草

防已

木通

通草

鈎藤

木蓮

紫葛

梓草

忍冬

清風藤

藤黃

水草部

澤瀉

羊蹄根

石菖蒲

蒲黃

苦草

水萍

蓴

海藻

昆布

石草部



石斛

骨碎補

石葦

景天

石胡荽

地錦

苔草部

陟釐

石薺

卷柏

馬勃

倒掛草

苔

卷三

穀部

諸米

諸麥

諸豆

胡麻

亞麻

麻子仁

薏苡仁

嬰粟殼

阿芙蓉

蒸餅

神麴酒麴

飴糖

醋

酒

菜部

韭

薤

葱

蒜

薑薑

白芥子

蕪菁

萊菔

生薑

乾薑

胡荽

懷香

靳菜

菠薐菜

薤菜

同蒿

芥薹子

菹子

馬齒莧

翻白草根

蒲公英

落葵

蕺菜

蕨

黃獨

薯蕷

百合

茄

苦瓠

冬瓜子

越瓜

胡瓜

南瓜

絲瓜

苦瓜

紫菜

石花菜

木耳

桑耳

香蕈

麻姑雞

土草

果部



李根白皮

杏仁

梅

桃仁

栗

棗

梨

木瓜

山楂

柰

林檎

柿蒂

安石榴

橘皮

青皮

橘核

橘葉

柑

橙

柚

柑櫞

金橘

枇杷葉

楊梅

櫻桃

銀杏

胡桃

長生果

瑣瑣葡萄

橡實

榲桲皮

荔枝

龍眼

橄欖

榧子

松子

檳榔

大腹子

大腹皮

馬檳榔

無花果

枳椇

水果部

西瓜

瓜子仁

甜瓜蒂

甜瓜子

葡萄

甘蔗

沙糖

石蜜

蓮藕

蓮實

石蓮子

蓮鬚

蓮房

荷葉

芡實

芡實

烏芋

慈姑

味部

蜀椒

秦椒

椒目

豬椒根

胡椒

畢澄茄

吳茱萸

食茱萸

茗

香木部

柏子仁

柏葉節油

松脂

松節

杉

肉桂

桂心

壯桂

筒桂

桂枝

辛荑

沈香蜜香

丁香丁皮

旃檀

紫檀



降真香

烏藥

茴香

楓香脂

薑陸香

沒藥

麒麟竭

安息香

蘇合香

龍腦香

樟腦

阿魏

蘆薈

喬木部

黃檗小檗

厚朴

杜仲

椿樗根皮

乾漆

梓白皮

梧葉皮

桐實

海桐皮

川棟子

槐實

槐花

秦皮

合歡皮

皂莢

皂角刺

肥皂莢

無患子

沒石子

訶梨勒

柳華

檉柳

水楊

榆根白皮

蕪荑

蘇方木

樺木皮

梭櫚

烏柏根

巴豆

大楓子

相思子

灌木部

桑根白皮

桑榧

桑葉

桑枝

柘根白皮

楮實

枳殼

枳實

枸橘

梔子

酸棗仁

白棘

蕤仁

山茱萸

金櫻子

郁李仁

鼠李子

女貞實

枸骨

衛矛

南燭

五加皮

枸杞

地骨皮

沒疏

石南

牡荊

蔓荊子

紫荊皮

木槿花

芙蓉

山茶

蜜蒙

木棉

柞木

黃楊

放杖木

接骨木

寓木部



本經逢源

茯苓

茯神

琥珀

猪苓

雷丸

桑寄生

松蘿

苞木部

竹葉

竹茹

竹瀝

笋

竹黃

震燒木

藏器部

錦

禪襦

裏脚布

鑿柄

弓弩弦

敗蒲扇

蒲席

漆器

燈盞油

炊單布

敗鼓皮

卷四

蟲部

蜂蜜

蜜蠟

露蜂房

蠟螬

蟲白蠟

紫釰

五倍子

桑螵蛸

雀甕

原蠶蛾

白殭蠶

蠶繭

蠶退

蠶沙

九香蟲

雪蠶

蜻蛉

樗雞

芫青

蟹螯

葛上亭長

地膽

蜘蛛

壁錢

蠍

水蛭

蛆

狗蠅

蟻螯

桑蠶蟲

桃蠹蟲

炸蟬

蟬蛻

蛻螂

天牛

蜚蠊

即蟲

螢火

衣魚

鼠婦

蠹蟲

蜚蠊

蟾蜍

蟾酥

蝦蟇

蛙

龍蛇部

蜈蚣

蚯蚓

蝸牛



南京中醫藥大學圖書館藏

龍骨

龍齒

龍角

龍甲

鯪鯪甲

石龍子

守宮

蛤蚧

蛇蛻

蚰蛇膽

白花蛇

烏蛇

蝮蛇

魚部

鯉魚

鱖魚

青魚

連魚

闊口魚

鱖魚

白魚

石首魚白鯊

鯨膠

勒魚

鮓魚

嘉魚

鰱魚

鮓魚

石斑魚

鮓殘魚

海粉

燕窩

鱸魚

鰕魚

鱧魚

鰻鱺

鰻魚

甲魚

鱖魚

鯪魚

黃頰魚

江鱗

河豚

江豚

比目魚

鮫魚

烏賊骨

鮑魚

海馬

蝦

介部

龜版

膽汁

玳瑁

龜甲

龜甲

蟹

蟹

牡蠣

蚌

真珠

石決明

文蛤

蛤蜊

蛭

魁蛤殼即反

車螯

貝子

石蛎

淡菜

海蠃甲煎

田蠃

寄居蟲

郎君子

禽部

鶴頂

鸛骨

鵝鵝

鵝鵝

鵝

雁

鴨

鳧

雞

雉



北京中医药大学图书馆藏

烏鴉

鵲

鷓鴣

鷄

鴿

鶯

雀卵

伏翼

五靈脂

斑鳩

伯勞

鸛鷀

啄木鳥

鷓鴣

鷹屎白

鴈

鴝

鴉

鳩休

鳩

獸部

豬

狗

羊

羖羊角

牛

馬

驢

駝

酪

酥

阿膠

黃明膠

牛黃

狗寶

獅油

虎骨

象皮

犀角

熊脂

熊膽

鹿羊角

山羊血

鹿茸

鹿角膠

鹿胎

麋茸

麋鹿肉

麋

麝香

貓

狸

獐狼

兔

狐

水獺肝

山獺莖

脰腠臍

鼠

刺蝟皮

人部

髮

頭垢

乳汁

爪甲

人牙

人中黃

金汁

乾糞灰

溺

溺白塗

秋石

紅鉛

天靈蓋

人胞

胞衣水

初生臍

胎元



南京中醫藥大學圖書館藏

本經逢原卷一

水部

諸水 古人服藥必擇水故凡湯液多用新汲井華水取天真之氣浮於水面也宜文火煎成候溫緩緩服之金匱云凡煮藥飲汁以解毒者雖云救急不可熱飲諸毒病得熱更甚宜冷飲之此言治熱解毒及辛熱藥味當確遵此例一切調補藥即宜溫飲苦寒祛火藥則宜熱飲熱因寒用之法也○仲景前實脾藥作甘瀾水揚之為遍取其流利不助腎邪也○杓揚百遍名百勞水取其激揚以除陳積也成無已曰仲景治傷寒痰熱在裏身黃麻黃連軀赤小豆湯煎用潦水取其味薄不助濕熱也○以新汲水煎沸如麻名麻沸湯取其輕浮以散結熱也○以水空煎候熟極者藥名清漿水取其下趨不至上涌也○服涌吐藥用蠶水取其味濁引疾上竄以吐諸痰飲宿食酸苦涌泄為陰也○煎蕩滌邪穢藥用東流水本經云東流水為雲母石所畏鍊雲母用之○煎利水藥用急流水取性走也○煎水逆嘔吐藥用逆流水取其上涌痰涎也○煎陽盛陰衰目不得眠藥用千里流水取其性之疾瀉也○煎中暑神昏藥及食楓樹菌笑不止用地漿水糯米礱成乳餅者或水磨取收欲脫之陽也黃霉雨水洗瘡疥滅斑痕○白露雨水洗肌面滅不止用酸漿水糯米礱成乳餅者或水磨取收欲脫之陽也黃霉雨水洗瘡疥滅斑痕○白露雨水洗肌面滅顏色○秋露質清止瘧除煩○臘雪氣癰助陽攝火治天行時氣瘟疫解丹毒○電水性暴動風發癲○夏水陰凝發疔成瘡○柏葉菖蒲上露並能明目○韭菜上露去白癩風○靈膏花上露能損人目○浸藍水解毒殺蟲誤吞水蛭腹面黃者噉此水蟲下即安○瓶中養花水有毒陽人臘梅者尤甚○肉水鹹苦大毒凡螳螂疥癬及毒蟲生子入肉者塗之即化但瘡有血者不可塗之六畜食一合當時死人亦然○生熟湯入鹽微鹹霍亂者飲一二升吐盡痰食即愈○方諸水大蚌水也向月取之得至陰之精華故能明目止渴除煩湯火瘡敷之有效○上池水竹籬頭上水也長桑君飲扁鵲能洞鑑臧府見垣一方人○東阿井水煎烏驢皮膠治逆上之痰血○青州范公泉造白丸子利膈化痰二者皆濟水之分流也○至若古塚廢井澤中停水山巖泉水有翳及諸水經宿面有五色者皆有毒非但不可服食煎藥即洗滌亦忌之

火部

諸火 北方炊食都用煤火以地屬坎足勝其氣且助命門真火人食煤火長氣於陰所以膂力強壯南人食之多發瘰癧受其毒者以薑汁解之然煤火處置大缸水於旁則毒從水解○南方炊食都用薪火人食薪火長氣於陽氣多輕浮不實不似北方之稟氣剛勁也○凡煎補藥文火緩煎瀉藥武火急煎煎膏用桑柴火最良抱朴子云一切神仙藥不得桑柴不服然不若煎收並用文火則不傷藥性○上古炊食都用燧火是為陽火今皆擊石取火則陰火也用以炊食猶之可也若點艾炷尤非所宜灸宜取太陽真火否則真麻油燈艾炷點於炷上則艾炷愈愈不痛○神針火治寒濕痺附骨陰疽凡在筋骨隱痛者針之火氣直達病所○燔針即燒針病在經筋所發諸痺用之其效最捷經云治在燔針劫刺以知為度以痛為愈馬矢燂煨風痺藥取其性緩通行經絡也○葦薪火炊瀉陽藥取其輕揚不損藥力二者皆內經法也○燈火燂小兒諸驚及頭風腦痛風痺緩急以油能解風毒火能通經絡也○燈花治小兒邪熱在心夜啼不止以二三顆燈心湯調抹乳吮之○燭燼治疔腫同胡麻針砂等分為末和醋敷之治九漏與陰乾馬齒莧等分為末和臘豬脂敷之取烏柏之餘力以化歹肉也○至於烟草之火方書不錄惟朝鮮誌見之始自閩人吸以祛瘴而後北人藉以辟寒今則遍行寰宇豈知毒草之氣熏灼藏府遊行經絡能無壯火散氣之慮乎近日目科內障凡中間有用之獲效者取其辛溫散冷積之翳也不可與水片同吸以火濟火多發烟毒不可以藤點吸恐其有蛇虺之毒也吸烟之後慎不得飲火酒能引火氣熏灼藏府也又久受烟毒而肺胃不清者以砂糖湯解之烟筒中脂污衣上滌之不去惟嚼西瓜仁揉之即淨其滌除痰垢之力可知世以瓜子仁生痰不亦謬乎

土部

諸土 脾土喜燥惡濕故取東壁太陽所照之土引真火生發之氣補土而勝濕則吐瀉自止用以制藥皆為脾胃之引導耳昔人以東壁土調水治小兒嗜食泥土之病取土入蟲口而祛之下行也○道塗中熱土治夏月喝死取溫以散熱也若沃以冷水虛陽立鏹死不救矣○白堊土苦溫無毒本經主女子寒熱癰瘕月閉積聚取土之間氣以祛婦人間廁之積也千金治婦人帶下等疾者以土能勝濕而白則蕪入氣分也惟邯鄲者為勝○黃土甘平無毒

乃中央正色不占穢漬故色不黑治泄利冷熱赤白腹內絞痛下血解諸藥毒閉口椒毒野葦毒。蚯蚓泥治小兒陰囊熱腫取寒能解毒也熱病譫語狂亂無燥結可攻者蚯蚓泥涼水調服。蜣螂轉丸土治反胃吐利霍亂湯淋絞汁飲之。醋調塗項上癰瘤。土蜂窩上細土主頭風腫毒及蜂螫傷醋和傅之。胡燕窩土主風瘙癢疹及惡刺瘡浸淫瘡並水和傅之。小兒治濕瘍疥瘡外台治蠅蟻尿瘡千金治療痘丹毒。鼠壤土通腎氣解毒邪取其搜風達竅也。蟻垤土下胞衣死胎炒熱搗心下自出。燒尸場上土治好魘多夢置枕中并塗關元及臍。螺蛸泥主反胃吐食取螺蛸一斗水浸取泥晒乾每服一錢火酒調服。犬屎泥治妊娠傷寒塗腹保胎并底泥治妊娠熱病塗胸臍丹田護子并治湯火燒瘡。伏龍肝乃竈心赤土本經云味辛微溫主婦人崩中吐血千金名釜月下土言正對釜臍處也然必日用炊飯者良若煮羹者味鹹不堪入藥止欬逆吐血消癰腫毒氣蓋以失血過多中氣必損故取微溫調和血脈也消癰腫毒氣者辛散更堅也日華子主催生者取溫中而鎮重下墜也其胎漏不止產後下利並宜煮水澄清去滓代水煎藥取溫主藏和營血也千金方治中風口喎狂不識人並用攪水澄服又久利不止橫生逆產胞衣不下皆醋調塗臍腹效小兒重舌和苦酒塗之發背酒調厚敷乾即易平乃止杖瘡腫痛香油調塗灸瘡腫痛煮水熱淋皆孫真人法也外台治一切癰腫和蒜泥貼乾再易之。百草霜燒百草之煤也止血散瘀上下諸血悉主之。又陽毒發斑取溫以解毒散火也。釜臍墨治陽毒發狂黑奴丸中用之千金治卒中惡卒心痛舌卒腫大等患又下死胎方用百草霜二錢伏龍肝五錢為細末酒調童便服二錢少頃再服三服即下。梁上塵一名烏龍尾始妊娠胎動橫生逆產及金瘡鼻衄疔腫惡瘡小兒赤丹取其輕浮以散久積之氣也。清烟墨灰止吐衄血逆上行或生藕汁或菜蔬汁或鮮地黃自然汁磨服即止然須燒灰出火毒用之但勿用乾地黃和水搗磨柏葉汁甘蔗汁咸非所宜往往止截後有瘀積之患飛絲入目及一切塵物入目磨濃墨點之自出或燈心蘸墨汁頻搽之。砂鍋取年久炊食者研細水飛治黃腫積塊酒服五錢潞州者佳。孩兒茶一名烏冬泥性溫收斂止血收濕為金瘡止痛生肌之要藥。白磁器研細水飛傳瘰癧腫可代針砭又點目去翳。糞坑底泥治背瘡疔腫癰毒陰乾為末新水調敷其痛立止。坑道同蟬蛻全蠍末作餅香油煎滾溫服以滓傳疔四圍其疔自出。

金 生金辛平有毒金箔無毒發明 金能製水故可療惊癇風熱肝膽之病然須為箔度無重墜傷中之患紫雪方用赤金葉子煎水取制肝降痰逆也若成塊錠金及首飾之類非特無味且有油膩良非所宜○銀箔功用與金不殊但入氣分不入血分稍為不同肘後方治瘰癧五石湯用之

赤銅 苦平微毒發明 賊風反折以赤銅五觔燒紅內二斗酒中百遍服五合日三服以效為度赤銅落乃打銅落下之屑與自然銅同類故亦能接骨蝦赤醋沃七次同五倍等則染鬚黑潤藏器曰赤銅能銲入骨及六畜有損細研酒灌直入骨損處六畜死後取骨視之猶有銲痕可驗

銅青 酸苦平小毒發明 銅青藉醋結成能入肝膽二經以醋醃擦喉中則吐風痰為散療喉痹牙痛醋調搗腋下治胡臭薑汁調點爛沿風眼去疳殺蟲所治皆厥陰之病

自然銅 辛平小毒火煨醋淬七次置地七日出火毒水飛用銅非煨不可入藥新煨者火毒燥烈慎勿用之發明 自然銅出銅坑中性稟堅剛散火止痛功專接骨骨接之後即宜理氣活血庶無悍烈傷中走散真氣之患

古文錢 辛平小毒發明 古錢以生薑汁塗刮青點目去障消痰散赤腫一點即愈但初點熱淚蔑面然終無損惟作瘡者與肝腎虛而內障生花者不可用也婦人逆產五淋者汁用之便毒初起與胡桃肉同嚼食二三枚即消便毒屬肝金伐木也

鉛一名錫甘寒無毒凡用取未經銀冶新鉛銕淨去滓再銕成液同硫黃煨如燭起以醋酒之候成黑灰研之不黏帶為度如煨不透服之令人頭痛以陰降太速陽火無依故也發明 鉛稟北方癸水之性陰極之精內通於腎故

局方黑錫丹宣明補真丹皆用之得承交感即能治一切陰陽混淆上盛下虛氣升不降噎膈反胃嘔吐眩暈諸疾又槌成薄片置燒酒中半月許結成白霜取其酒徐徐飲之降陰火最捷但性帶陰毒恐傷心腎不可多服鉛性入肉故女子以之絳耳孔即自穿

鉛粉一名白粉辛寒無毒本經治伏尸毒螫殺三蟲發明 鉛粉與黃丹同類內有豆粉蛤粉而無硝鹽但入氣分

功專止痛生肌亦可入膏藥代黃丹用本經治伏尸毒螫殺三蟲者取鉛性之重以鎮攝其邪金匱甘草粉蜜湯治虺病吐涎心痛專取胡粉殺虫甘草安胃蜜以誘虫口也陶弘景云尸虫彌良

鉛丹一名黃丹 辛微寒無毒 本經治吐逆胃反驚癇癰疾除熱下氣 發明 鉛丹體重性沈味兼鹽礬而走血分

能墜痰止癰 本經言止吐逆胃反治驚癇癰疾除熱下氣取其性重以鎮逆滿也仲景柴胡龍骨牡蠣湯用之取其

入膽以祛痰積也但內無積滯誤服不能無傷胃奪食之患傳瘡長肉墜痰殺蟲皆鉛之本性耳目暴赤痛鉛丹蜜

調貼太陽穴立效

蜜陀僧 鹹辛平小毒 發明 此感鉛銀硝石之氣而成其性重墜直入下焦故能墜痰截瘡療瘡腫治驚氣入心

包絡瘡不能言語者用蜜陀僧末一匕茶清調服即愈驚則氣亂取重以去怯而平肝也但入口則漾漾欲吐以陰

毒之性能傷胃氣也聖惠方鼻衄亦胞蜜陀僧細研人乳調夜則塗之丹方治背瘡初起以醋煨七次桐油調圍患

處即消同枯礬治汗癰體氣合五倍子染髭鬚同鷹屎白滅癰瘡永磨服解砒霜硫黃毒

錫 辛寒微毒 發明 錫為砒母故新造錫器不可盛酒越宿制瓶藏藥須舊錫雜鉛乃佳昔人過飲燒酒昏

迷欲絕或令以錫器貯沸湯蓋取氣水飲之即甦此與炊單布治湯氣重灼無異同氣相感之力也

鐵落 辛寒有毒即燒鉄亦沸砧上燂下之屑也鉄銚內煨亦醋沃七次用 本經主風熱惡瘡瘍疽疔疥氣在

皮膚中 發明 素問云有病怒狂者治以生鉄落為飲漬汁煎藥取其性沈下氣最疾不可過服過服令人凜

凜惡寒以其專削陽氣也本經主風熱惡瘡等疾皆肝心火熱所致辛寒能除二經之熱也蘇恭以之炒熟投酒

中瘡賊風瘧病借酒以行皮膚中氣也

鐵砂 酸辛無毒作鉄家磨鑊細末也 發明 針砂寒降善治濕熱脾勞黃病於鉄銚內煨通紅醋沃置陰處

待半月結塊生黃化盡鉄性用為消脾胃堅積黃腫之專藥丹溪溫中丸用之又以製過鉄砂一兩入乾漆灰半

錢香附三錢合平胃散五錢蒸餅為丸湯酒任下治療與溫中丸不殊

鐵精 平微溫小毒 本經明目化銅 發明 鉄之精華也出鍛竈中紫色輕如塵者佳取至陰沈重之性得

純陽火鍊而輕浮上升故可以療惊悸定風癇破胃脘積血作痛本經主明目取其鎮攝虛火之義以其得火氣

之多也但胃氣寒寒人服之往往有奪食發呃之虞以純陰鎮攝太過而傷犯陽和之氣也

鐵繡鉄名 辛寒無毒 發明 陶華云鉄繡水和藥服性沈重最能墜熱開結又能平肝消腫治惡瘡疥癬和